

新都縣志卷四十

隱逸志

漢

楊厚字仲桓邑人父統精天文厚習父業順帝徵之拜議郎遷侍中梁冀以車馬遺之不受歸授門徒三千餘人李固徵之不起卒謚文父通志

宋

白如璧邑人博覽羣書隱居不仕避兵入山不食而死通志

新都縣志

卷四十

隱逸

元

杜圭邑人勤學尚友通五經尤長於春秋隱居授徒來學者眾廬舍至不能容通志

趙天澤邑人與同邑杜圭明春秋齊名棄官薄遊江南無貴賤皆倒屣迎之最善括蒼劉公伯溫一日行省大臣論江左人物天澤首以伯溫對眾愕然疑且竊笑之趙公退而贈劉文公曰蕭何拔韓信元德師孔明非信任之篤則泝水之奇八陣之妙何由照耀後世其文載於翊運錄中方劉公之

未遇也授之以卜法者曾義山而深竒預識者趙公也趙有吳江月下泛舟詩

升菴集

明

楊敏字學可邑人師杜圭博通經史避兵雲南還蜀明玉珍迫之不仕洪武中命賜鈔歸隱蜀獻王給田八十畝贈云流水畫橋題柱客清風精舍讀書人

通志

田本邑人清心苦行博學好古結廬高隱不求聞達年九十無疾而終

通志

新都縣志

卷四十

隱逸

二